



ՍՈՒՐԲ ՉԱԿՈԲ

ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ

Արտաքսան Կրուպի

26 Փետրվար 2023

Կիրակնօրեայ Ընթերցումներ
Ծանուցում

Էջ 1
Էջ 4

ԸՆԹԵՐՑՈՒՄ
ԵՍԱՅԻ ՄԱՐԳԱՐԵՒ ԳԻՐՔԵՆ
(33:2-22)

Ողորմէ՛ մեզի, Տէր, որովհետեւ քեզի՛ յուլ-
սացինք. անհաւատներու սերունդը կորուս-
տի պիտի մատնուի, բայց գուն պիտի փրկես
մեզ նեղութեան ժամանակ: Ժողովուրդները քու-
ահեղ ձայնէդ շշմեցան, հեթանոսները փախան
քու վախէդ: Ինչպէս խառնիճն ու մարախը
կանաչութիւնը կոչնչացնեն, այնպէս յափշտա-
կիչները պիտի թափին անոնց աւարին վրայ, եւ

... իմաստութիւնը,
գիտութիւնը եւ
աստուածապաշ-
տութիւնը
պիտի ըլլան
այն գանձերը,
որոնցմով պիտի
արդարանանք:

անոնք ծաղը ու ծանակ
պիտի ըլլան: Սուրբ է մեր
Տէր Աստուածը որ բար-
ձունքներուն մէջ կը
բնակի. իրաւունքով եւ
արդարութեամբ պիտի
լեցնէ Սիոնը: Այն ատեն
հեթանոսները Օրէնքին
ձեռքը պիտի մատնուին,
իսկ մենք մեր գանձերով

պիտի փրկուինք. իմաստութիւնը, գիտութիւնը
եւ աստուածապաշտութիւնը պիտի ըլլան այն
գանձերը, որոնցմով պիտի արդարանանք: Այն
ատեն ձեր կրած երկիւները իրե՛նք պիտի կրեն.
անոնք՝ որոնցմէ դուք կը վախնայիք, իրե՛նք
պիտի վախնան ձեզմէ. պատգամաւորներ պիտի
դրկեն ձեզի՛ խաղաղութիւն ուզելով, դառնապէս
պիտի լան եւ խաղաղութիւն խնդրեն, որովհետեւ
անոնց ճամբաները իրենց աւարտին հասան:
Ալ պիտի չվախնաք հեթանոսներէն. անոնց հետ
ձեր դաշինքը վերջ պիտի գտնէ եւ ա՛լ զանոնք
մարդու տեղ պիտի չդնէք: Աշխարհը կը սպայ,
որովհետեւ անշքացաւ. Լիբանանը մերկացաւ,
Սարոնի դաշտագետինը տօթէն այրեցաւ, Գալիլիա

եւ Կարմեղոս լերկ մնացին: «Հիմա պիտի ելլեմ,
-կ'ըսէ Տէրը, - եւ պիտի ցոյց տամ իմ փառքս ու
զօրութիւնս, եւ դուք պիտի տեսնէք ու հասկնաք
թէ զուր էր ձեր չափազանց ինքնավստահութիւնը
եւ կրակը պիտի բնացնջէ ձեզ: Այո, հեթանոսները
պիտի այրին այնպէս՝ ինչպէս դաշտին փուշը կը
կարեն ու կրակը կը նետեն: Հեթանոսները պիտի
լսեն ինչ որ ըրի, իմ ժողովուրդս պիտի ճանչնայ
իմ զօրութիւնս»: Անօրէնները Սիոնէն դուրս
դրուեցան եւ արդէն դողը բռներ է ամբարիշտները.
իսկ ո՞վ ձեզի պիտի պատմէ յաւիտենական կրակին
մասին: Եթէ արդարութեամբ ապրիք եւ ուղիղը
խօսիք, անօրէնութիւնն ու անիրաւութիւնը ատէք,
ձեր ձեռքերը կաշառքէ հեռու պահէք, ոճրային
առաջարկներ չլսելու համար ձեր ականջները
խցէք եւ անիրաւութիւն չտեսնելու համար ձեր
աչքերը փակէք, բարձր եւ հաստատուն ժայռի
վրայ շինած կ'ըլլաք ձեր տունը. եւ այն ատեն
ո՞չ հացի պակաս պիտի ունենաք եւ ոչ ջուրի.
պիտի տեսնէք թագաւորը իր փառքով, ձեր
աչքերը պիտի տեսնեն անոր անսահման երկիրը,
եւ դուք պիտի խոկաք Տիրոջ երկիւղին մասին:
Այն ատեն, ալ ո՞չ մարդահամար կատարողներ
պիտի գան, ո՞չ հարկահաւաքներ, եւ ոչ ալ ձեր
ամրութիւնները լրտեսողներ: Ա'լ պիտի չլսէք
Ասորեստանի անբարտաւան առաջարկները, ոչ ալ
անոր խուժդուժ լեզուն, զոր կարելի չէ հասկնալ:
Ահաւասիկ Սիոնը, մեր փրկութեան քաղաքը.
ձեր աչքերով տեսնէք երուսաղէմը, ճոխութեան
քաղաքը, յաւիտենապէս անշարժ վրանի մը պէս,
որուն ո՞չ ցիցերը կը խախտին, ոչ ալ պարանները
կը փրթին: Այնտեղ ձեր մէջ ներկայ պիտի ըլլայ
Տէրը իր փառքով, եւ երկիրը ձե՛րը պիտի ըլլայ
իր լայնահուն գետերով ու ջրանցքներով. ա՛լ
օտարութիւն պիտի չերթաք եւ ձեր նաւերը
պատերազմի պիտի չելլեն, որովհետեւ մեր մեծ
Աստուածը այլեւս պիտի չլքէ մեզ: Տէրն է մեր
հայրը, Տէրն է մեր դատաւորը, Տէրն է մեր իշխանը,
Տէրն է մեր թագաւորը, Տէրն է մեր փրկիչը, ի՞նքն
է որ մեզ պիտի փրկէ:

ՊՈՂՈՍ ԱՌԱՔԵԱԼԻ

ՀՌՈՒՄԱՅԵՑԻՆԵՐՈՒՆ ԳՐԱԾ ՆԱՄԱԿԻՆ

(12.1-13.10)

Ուստի, եղբայրներ, քանի Աստուած այնքան ողորմած եղաւ մեզի հանդէպ, կ'աղաչեմ որ դուք ձեզ Աստուծոյ ընծայէք որպէս կենդանի գոհ մը՝ իրեն վերապահուած, որովհետեւ ատիկա է Աստուծոյ ուզած ճշմարիտ պաշտամունքը։ Այս աշխարհի մարդոց վարմունքը մի՛ ընդօրինակէք, այլ նորոգուած միտքերով նոր մարդ եղէք, որպէսզի ձեր փորձառութեամբ ընտրէք լաւը, գիտնալով Աստուծոյ կամքը, այսինքն՝ ինչ որ բարի է, ընդունելի է իրեն եւ կատարեալ։

Ինձի տրուած Աստուծոյ շնորհքով հետեւեալ պատուէրը կու տամ իւրաքանչիւրիդ.- մեծամիտ եւ ինքնահաւան մի՛ ըլլաք.

...Քրիստոսի
միացած
ըլլալով՝
մենք բոլորս
մէկ մարմին
ենք։

միացած ըլլալով՝ մենք բոլորս մէկ մարմին ենք։ Թէպէտ որպէս անդամներ իրարու կապուած ենք, բայց Աստուծոյ շնորհքը իւրաքանչիւրիս տարբեր պարգետ մը տուած է, զոր պէտք է գործածենք։ Եթէ պատգամախօսութեան պարգելը ունինք՝ պէտք է պատգամենք մեր հաւատքին համեմատ։ Եթէ ծառայելու շնորհքը տրուած է՝ պէտք է ծառայենք։ Եթէ ուսուցանելու ձիրքը ունինք՝ պէտք է ուսուցանենք։ Եթէ յորդորելու կարողութիւնը ունինք՝ պէտք է յորդորենք։ Իր ունեցածը ուրիշներուն բաժնողը առատօրէն թող բաշխէ։ Վերակացու եղողը եւանդագին թող աշխատի։ Ողորմութիւն ընողը խնդութեամբ թող ընէ։

Զեր սէրը թող անկեղծ ըլլայ։ Ատեցէք ինչ որ չար է եւ տեւաբար բարիին ձգտեցէք։ Եղբօր պէս զիրար սիրեցէք գորովանքով։ Յարգելու մէջ զիրար գերազանցեցէք։ Եռանդագին աշխատեցէք առանց ծուլանալու։ Զերմեռանդ հոգիով Տիրոջ ծառայեցէք։ Յոյսով ուրախացէք, նեղութեանց մէջ համբերող եղէք, յարատեւ աղօթեցէք։ Կարիքի մէջ եղող եղբայրներուն օգնեցէք եւ միշտ հիւրասէր եղէք։

Բոլորին
հանդէպ նոյն
վերաբերումը
ունեցէֆ.

Օրհնեցէք ձեզ հալածողները.
մի՛ անիծէք, այլ օրհնեցէք։
Ուրախացողներուն հետ
ուրախացէք եւ լացողներուն
հետ լացէք։ Բոլորին հանդէպ

նոյն վերաբերումը ունեցէք. մեծամիտ մի՛ ըլլաք, խոնարհ մարդոց ալ ընկերութիւն ընելու զիջեցէք, եւ դուք ձեզ իմաստուն մի՛ համարէք։

Ուեւ մէկուն չարիքին չարիքով մի՛ հաստուցանէք։ Զանացէք ընել ա՛յն ինչ որ բոլոր մարդոց աչքին բարի է։ Որքան կընաք՝ ամենուն հետ խաղաղ ապրեցէք։ Սիրելիներ, երբեք դուք անձամբ վրէժ լուծելու մասին մի՛ մտածէք, այլ ձգեցէք որ Աստուծոյ բարկութիւնը ընէ ատիկա. որովհետեւ Տէրը Սուրբ Գիրքին մէջ կ'ըսէ. «Ի՞մս է դատելու եւ պատժելու իրաւունքը. ե՞ս պիտի հատուցանեմ», իսկ ուրիշ տեղ մը կ'ըսէ. «Եթէ թշնամիդ բալցած է, հաց տուր իրեն. երէ ծարաւ է, ջուր տուր։ Այսպէս վարուելով արդէն ամօթը զինք կ'այրէ»։ Մի՛ պարտուիր չարէն, այլ բարիով յաղթէ չարին։

Ամէն մարդ պետական իշխանութեանց պէտք է հնագանդի, որովհետեւ առանց Աստուծոյ թոյլտութեան իշխանութիւն չի կրնար ըլլալ, եւ գոյութիւն ունեցող իշխանութիւնները Աստուծմէ կարգուած են։ Ուստի, ով որ իշխանութեանց կը հակառակի՝ Աստուծոյ հրամանին է որ կը հակառակի, եւ հակառակողները իրենք զիրենք դատապարտութեան տակ կը դնեն։ Իշխողները վախ չեն պատճառեր բարիք գործողներուն, այլ միայն չարագործներուն։ Դուն կ'ուզե՞ս իշխանութենէն չվախնալ. բարիք գործէ, եւ անկէ գովասանք կը լսես. որովհետեւ Աստուծոյ պաշտօնեան է անիկա, քու բարիքիդ համար կարգուած։ Իսկ եթէ չար գործն՝ վախցիր անկէ, որովհետեւ զուր տեղը չէ որ սուր կը կրէ. որպէս Աստուծոյ պաշտօնեայ բարկութեամբ կը դատէ եւ կը պատմէ չարագործները։ Ահա թէ ինչո՞ւ պէտք է իշխանութեանց հնագանդիլ. ո՛չ միայն պատիմէն զիրծ մնալու, այլ մանաւանդ խիղճով հանգիստ ըլլալու համար։ Ատոր համար է նաեւ որ իշխանութեանց տուրք կը վճարէք, որպէսզի իբրեւ Աստուծոյ պաշտօնեաներ չարունակեն իրենց այդ գերը կատարել։ Հետեւաբար անոնցմէ իւրաքանչիւրին հանդէպ ձեր պարտաւորութիւնը կատարեցէք, տուրքը տալով անոր՝ որուն տուրք պէտք է տաք, մաքսը տալով անոր՝ որուն մաքս պէտք է տաք, հնագանդելով անոր՝ որուն հնագանդութիւն կը պարտիք եւ յարգելով ան՝ որուն յարգանք կը պարտիք։

Ուեւ մէկու ուեւ բանով պարտական մի՛ մնաք. միմիայն զիրար սիրելու պարտաւորութիւնը ունեցէք, քանի որ իր ընկերը սիրողը կատարած կ'ըլլայ Աստուծոյ Օրէնքը։ Որովհետեւ Աստուծոյ պատուիրանները, «Մի՛ շնար, Մի՛ սպաններ, Մի՛ գողնար, Սուտ վկայութիւն մի՛ ըներ, Մի՛ ցանկար» եւ միւս բոլորը խտացած են սա միակ պատուիրանին մէջ. «Սիրէ ընկերդ քու անձիդ պէս»։ Ով որ իր ընկերը կը սիրէ, չարիք չ'ըներ

անոր: Ուրեմն սիրել՝ կը նշանակէ Աստուծոյ Օրէնքը լման գործադրել:

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԻՆ
ԸՍ ՄԱՏԹԷՈՒՍԻ
(5.17-48)

Մեր Տէրը Յիսուս Քրիստոս կ'ըսէ.- «Մի՛ կարծէք թէ եկայ Մովսէսի Օրէնքը կամ մարդարէներու ուսուցումները ջնջելու, այլ ամբողջացնելու: Հաստատ գիտցէք, որ բոլոր Օրէնքնու մարդարէութիւնները կէտառ կէտպիտի իրականանան առանց բառ մը իսկ դուրս ձգելու, մինչեւ գայ այն օրը, երբ երկինքն ու երկիրը պիտի անցնին: Ով որ ամենափոքր պատուիրանն իսկ զանց ընէ եւ ուրիշներուն ալ պատուիրէ նոյնը կատարել, երկինքի արքայութեանը մէջ յետինը պիտի նկատուի: Իսկ ով որ գործադրէ պատուիրանները եւ նոյնը ուսուցանէ, մէծ պիտի ըլլայ երկինքի արքայութեան մէջ: Կ'ըսեմ ձեզի, երկինքի արքայութենէն ներս կրնաք մտնել ա՛յն ատեն միայն, երբ Աստուծոյ պատուիրաններուն ձեր հաւատարմութիւնը փարիսեցիններուն եւ օրէնքի ուսուցիչներուն ունեցած հաւատարմութենէն աւելի ըլլայ:

«Լսեր էք որ անցեալին ըսուած է. «Մի՛ սպանենք, որովհետեւ ան որ կը սպանենէ, պիտի դատապարտուի»: Իսկ ես կ'ըսեմ ձեզի. Ով որ առանց պատճառի իր եղբօր դէմ բարկանայ, պիտի դատապարտուի: Ով որ իր եղբայրը յիմար կոչէ, դարձեալ ատեան պիտի բերուի. կամ, ան որ իր եղբայրը անմիտ կոչէ, Գեհենի կրակին պիտի դատապարտուի: Եթէ զոհի սեղանին վրայ ընծաղ Աստուծոյ մատուցանելու ատեն յիշես որ եղբայրդ վշտացած է քեզմէ, ձգ՛ ընծաղ սեղանին առջեւ, գնա՛ նախ հաշտուէ եղբօրդ հետ եւ ապա եկուր եւ ընծաղ Աստուծոյ մատուցանէ:

«Երբ մէկը խնդիր ունի քեզի հետ եւ դատի կը կանչէ քեզ, սկիզբէն համաձայնութեան եկուր անոր հետ, երբ տակաւին ժամանակ ունիս. այլապէս քեզ դատաւորին կը յանձնէ, դատաւորն ալ՝ ոստիկանին, եւ բանտ կը նետուիս: Վստահ եղիր, թէ բանտէն պիտի չելլես մինչեւ որ տուգանքիդ վերջին դահեկանը չվճարես:

«Լսեր էք որ ըսուած է. «Մի՛ շնար»: Իսկ ես կ'ըսեմ ձեզի, թէ ով որ ցանկութեամբ նայի ոեւէ կնոջ՝ արդէն իսկ իր սիրատին մէջ չնութիւն ըրած կ'ըլլայ անոր հետ: Եթէ աջ աչքդ քեզ կը դայթակղեցնէ, հանէ եւ նետէ զայն, որովհետեւ նախընտրելի է որ անդամներէդ մէկը կորսնցնես քան ամբողջ մարմնով գժուխք նետուիս: Եթէ աջ ձեռքդ քեզ կը դայթակղեցնէ, կարէ՛ ու նետէ զայն, որովհետեւ նախընտրելի է որ անդամներէդ մէկը կորսնցնես

քան ամբողջ մարմնով դժոխք նետուիս:

«Հսուած է նաեւ. «Ով որ իր կինը կ'արձակէ, անոր արձակման բուղք բող տայ»: Իսկ ես կ'ըսեմ ձեզի. ան որ առանց պոռնկութեան պատճառի իր կինը կ'արձակէ, ինք պատճառ կը դառնայ անոր շնութիւն ընելուն: Նոյնպէս, շնութիւն ըրած կ'ըլլայ ան՝ որ կ'ամուսնանայ արձակուած կնոջ հետ:

«Լսեր էք նաեւ որ անցեալին ըսուած է. «Երդմնազանց մի՛ ըլլար, այլ կատարէ ինչ որ երդուած էիր Աստուծոյ»: Իսկ ես կ'ըսեմ ձեզի. բնաւ երդում մի՛ ընէք, ո՛չ երկինքի վրայ, որովհետեւ Աստուծոյ գահն է, ո՛չ երկրի վրայ, որովհետեւ անոր ոտքի պատուանդանն է, ո՛չ երուսաղէմի վրայ, որովհետեւ Մեծ Թագաւորին՝ Աստուծոյ քաղաքն է, եւ ո՛չ ալ քու գլուխիդ վրայ, որովհետեւ չես կրնար մազ մը իսկ ճերմկնցնել կամ սեւցնել: Պարզապէս ձեր այոն այո թող ըլլայ եւ ոչը՝ ոչ: Անկէ աւելին չարէն կու գայ:

«Լսեր էք որ ըսուած է. «Աչքի դէմ աչք պիտի հատուցանես եւ ակրայի դէմ՝ ակրայ»: Իսկ ես կ'ըսեմ ձեզի. Մի՛ հակառակիր քեզի չարիք ընողին: Եթէ մէկը աջ երեսիդ ապատկ զարնէ՝ միւս երեսդ ալ դարձուր անոր: Եւ եթէ մէկը ուզէ քեզ դատի կանչել շապիկդ առնելու համար, բաճկոնդ ալ տուր անոր: Եթէ մէկը քեզ բռնադատէ մէկ մղոն միասին երթալ՝ իր բեռը շալկելու համար, անոր հետ երկու մղոն ալ գնա: Եթէ մէկը քեզմէ բան մը խնդրէ՝ առ՛ւր, եւ եթէ մէկը քեզմէ բան մը փոխ առնել ուզէ, երես մի՛ դարձներ:

«Լսեր էք արդարեւ որ ըսուած է. «Սիրէ՛ ընկերդ եւ ատէ թշնամիդ»: Իսկ ես կ'ըսեմ ձեզի. Միրեցէ՛ք ձեր թշնամիները, օրհնեցէք ձեզ անիծողները, բարիք ըրէք ձեզ ատողներուն եւ աղօթեցէք անոնց համար, որոնք ձեզ կը չարչարեն ու կը հալածեն: Այդպիսով դուք ձեր երկնաւոր Հօր գաւակները կը դառնաք, որովհետեւ ան իր արեւը կը ծագեցնէ թէ՛ չարերուն եւ թէ՛ բարիներուն վրայ եւ անձրեւ կը տեղացնէ թէ՛ արդարներուն եւ թէ՛ մեղաւորներուն վրայ: Եթէ միայն սիրողները սիրէք, ի՞նչ տարբերութիւն կ'ունենաք մեղաւորներէն: Մեղաւորներն ալ նոյնը չե՞ն ըներ: Նմանապէս, եթէ միայն ձեր ծանօթները բարեկամ նկատէք, հեթանոսներէն եւ մեղաւորներէն աւելի ի՞նչ ըրած կ'ըլլաք: Անոնք ալ նոյնը չե՞ն ըներ: Արդ, դուք կատարեալ եղէք, ինչպէս որ ձեր երկնաւոր Հայրը կատարեալ է»:

... ով որ
ցանկութեամբ
նայի ոեւէ
կնոջ՝ արդէն
իսկ իր
սիրտին մէջ
շնութիւն
ըրած կ'ըլլայ
անոր հետ:
... ձեր
այոն այո
թող ըլլայ
եւ ոչը ոչ:

ՄԵԾ ՊԱՀՔԻ

Արեւագալի, Խաղաղական Եւ Հանգստեան Ժամերգութիւններ
Եւ Լսարան

Արեւագալի Ժամերգութիւնները

Հինգշաբթի առաւօտներուն,

2, 9, 16, 23, 30 Մարտ՝ միշտ ժամը 11.00-ին

Խաղաղական Եւ Հանգստեան Ժամերգութիւնները

Չորեքշաբթի Երեկոներուն.

1, 8, 15, 22, 29 Մարտ՝ միշտ ժամը 19.00-ին

*

Յետ Երեկոյեան Ժամերգութեանց՝ Լսարանային Խորհրդածութիւններ

Ընդհանուր Նիւթ՝

ԻՆՔՆԱՔՆՈՒԹԻՒՆ

2

Չորեքշաբթի, 1 Մարտին

Ս. Գիրք Կարդալը՝ Ուղի Ինքնաքնութեան.

կը խորհրդածէ Վերա. Յովիաննէս Սվաճեան

3

Չորեքշաբթի, 8 Մարտին

Հոգեւոր Դաստիարակութիւնը՝ Ուղի Ինքնաքնութեան.

կը խորհրդածէ Բրշ. Թորոս Սրկ. Պապիկեան

4

Չորեքշաբթի, 15 Մարտին

Քարի Գործ Կատարելը՝ Ուղի Ինքնաքնութեան.

կը խորհրդածէ Գերյ. Տ. Գէորգ. Ծ. Վրդ. Զապարեան

5

Չորեքշաբթի, 22 Մարտին

Աղօթելը՝ Ուղի Ինքնաքնութեան.

կը խորհրդածէ Բրշ. Կարօ Սրկ. Նոխուտեան

6

Չորեքշաբթի, 29 Մարտին

Մեծ Պահքի Ծիսական Կեանքը՝ Ուղի Ինքնաքնութեան.

կը խորհրդածէ Առաջնորդ սրբազան հայրը՝

Գերշ. Տ. Բարգէն Արքեպիսկոպոս